



Universitätsbibliothek Paderborn

**Refutatio Accusatoris Anonymi Damnatas ab Innocentio
XI. Propositiones adscribentis Ordinum Religiosorum
Theologis ac præcipuè Societatis Jesu**

Estrix, Aegidius

Moguntiæ, 1679

Propositio LVI. Frequens Confeßio & Communio, etiam in his, qui gentiliter vivunt, est nota prædestinationis.

urn:nbn:de:hbz:466:1-42472

Joanne Sinnichio die 11. Nov. 1660. à Geroardo van Werm die 17. Augusti 1647. di 5. Octobris 1647. die 10. Octob 1643. di 18. Sept. 1641. die 18. Febr. 1640. die 1 Febr. 1640. item ab Andrea Laurent die 1 Augusti 1651. à Jacobo Pontano 1. Febr. 1649. à Guilielmo Mercero die 19. Julii 1631 à Michaële Paludano die 26. May 1648. Guilielmo Tasselon die 7. Jannuarii 1640 plures dabo Lovanienses Doctores damnatae doctrinæ patronos, si quis requisierit: simulque alios omnis generis. Sed tres Jesuitæ habuit Accusator, ad quos contraheret omnium invidiam, si quæ est hæc invidia.

PROPOSITIO LVI.

Frequens Confessio & Communio, etiam his, qui gentiliter vivunt, est nota prædestinationis.

Autores propositionis nominat PP. Recollectas Namurci & Leodii in publicis suis reputationibus, quas, inquit, haberunt notwithstanding prohibitione Episcopi Namurcensis.

Fœdè imponit illis Religiosis immo Episcopo Namurcensi. Paulò altius repete da est historia. Anno 1676. die 2. May quidam Joannes Bauduin S. Theol. Baccalaureus Lovaniensis, atque in Seminario Episcopali

Namurcensi S. T. Lector , conclusiones proposuerat , in quibus non se abstinuerat , quin exultabundus damnaret improbabilitatis propositiones varias , atque etiam hanc ; *fre-
quens Confessio vel Communio , cultus B. Virgi-
nis in iis etiam , qui gentiliter vivunt , est nota
prædestinationis.*

Eodem anno 1676. quidam S. Th. Profes-
for ex ordine Minorum Recollectarum The-
ses impressit defendendas Namurci 15. Sep-
tembris , quibus retunderetur confidentia il-
lius Baccalaurei , & vindicaretur probabilitas
illius notæ prædestinationis.

Veritus Episcopus Namurcensis , ne eâ dis-
putatione turbaretur pax , vetuit ne disputatio
Namurci haberetur. Adeoque habita Na-
murci non fuit , quod secus affirmans accusa-
tor imponit illis Religiosis : sed aliâ occasio-
ne Theses eadem defensæ sunt Leodii ; in quo
cum censeat ille , peccatum esse contra man-
datum Episcopi Namurcensis (nam & loqui-
tur de disputatione habita Leodii) imponit
Episcopo Namurensi , quasi hic prohibuerit ,
ne theses eadem ab illis Religiosis defende-
rentur Leodii , quod neque voluit , neque
potuit illis prohibere.

An vero illi Religiosi verè sint Autores
propositionis damnatae , statui non potest ,
nisi videatur an illi defenderint propositionem

E 2

sicut

*sicut jacet in decreto: damnata est enim sicut
jacet. Pro quo.*

Considerandum est primò , propositionem , *sicut jacet in decreto* , posse facere hunc sensum perversum , quod frequens Confessio & Communio hominum gentilium , aut etiam assiduè gentiliter viventium ; adeoque frequens Confessio & Communio sacrilega , sit nota prædestinationis.

Considerandum est 2. quod Lector ille Baccalaureus qui propositionem in suis thesibus redarguit improbabilitatis , eam non sumperit in sensu jam explicato : sed in alio sensu ; ac si dictum esset ; frequens Confessio & Communio etiam in iis qui nequiter vivunt & prava consuetudine laborant , atque identidem relabuntur in sua peccata , est nota prædestinationis. Hoc sensu accepta propositioni strenuè vindicata est probabilitas ab ejus adversariis in disputatione ipsa.

Considerandum est 3. ex his circumstantijs cundem sensum fecisse propositionem *sicut jacebat in thesibus Namurcensibus* , Leodii defensis : quia hoc agebat autor thesium ut propositioni vindicaretur probabilitas negata à Lectore Baccalaureo ; adeoque eo sensu accepta , quo ipse eam acceperat. Sensum verò illum explicuit disertè autor ipse thesium in quæstionibus Theologicis , quas Leodii ad

dispu-

disputandum proposuit die 26. Novembris 1677. ubi totâ quæstione secundâ explicat mentem suam, quæ alioqui ex circumstan-
tia minimè fuerat obscura; & per gentiliter viventes se intelligere laborantes prava con-
suetudine peccati, in qua identidem resur-
gant, atque utiliter confiteantur & commu-
nicent, etsi & identidem relabantur; quam
ibidem omnem tractat doctè & eruditè.

Considerandum est 4. ex mente autoris Thesum Leodii defensarum, frequentem Confessionem & Communionem gentiliter viventium, hoc est, laborantium prava con-
suetudine, non esse notam prædestinationis infallibilem, sed fallibilem tantum. Mentem hanc suam, etsi alioqui non obscuram, decla-
ravit in suis quæstionibus quæst. 2. n. 20.

Quare ut damnata judicetur doctrina illo-
rum Religiosorum, qui theses illas defende-
runt, vel dicendum videtur, damnatam esse
doctrinam eorum, qui censem hominem labo-
rantem prava consuetudine, posse cùm durante
identidem resurgere, & fructuose confiteri,
& communicare; adeoque declaratum esse à
Rom. Pontifice, omnem Confessionem &
Communionem illius hominis esse sacrilegam,
donec vicerit consuetudinem peccandi, &
pravum habitum & inclinationem ad peccata,
vel dicendum, damnatam esse doctrinam,

immò communē persuasionem fidelium, quod
frequens Confessio valida & Communio san-
cta, sit nota prædestinationis saltem fallibilis,
alterutram ex his duabus doctrinis esse damna-
tam credam, cum id S. Sedes declaraverit:
neque enim id satis intelligo ex damnatione
propositionis 56. sumptæ sicut jacet in Decre-
to Innocentii XI.

Hæc occurrabant consideratione digna ut
statuant sapientiores, an damnatæ doctrinæ in
propositione 65. patroni fuerint illi Religiosi,
quibus id imponit accusator.

PROPOSITIO LVIII.

Non tenemur Confessario interroganti fati
peccati alicujus consuetudinem.

Doctrinæ autorem citat Baunum Theol.
mor. p. 1. tr. 4. q. 15. dub. 12. & Sanchium Je-
suitam in select. disp. d. 9. n. 6. & multos alii
Patres omnium Ordinum.

Baunius ibi docet Confessarium non habere
jus interrogandi pœnitentem de consuetudine
peccandi, nisi ejus rei gravem causam habeat;
quo significat, illum habere jus, si habeat
gravem causam, & tunc pœnitentem obliga-
ri ad fatendam consuetudinem. Non esset in-
consultum, si aliquid de hac doctrina sibi su-
merent quidam Confessarii hoc tempore, ni-
mis